

Detaljni zapisnik

AD1. U uvodu foruma prisutnima se obratila, Nermina Haždimuhamedović, koordinator projekta sa osnovnim podacima o forumu, načinu bodovanja prijedloga i donošenja zaključaka.

AD 2. Prisutni su upoznati sa osnovnim informacijama o projektu "Jačanje uloge MZ u BiH", o četiri tematska modela mjesnih zajednica, Ciljevima održivog razvoja kao osnovama za vođenje diskusije na forumu.

AD 3 Učesnici foruma su upoznati i sa rezultatima prethodnog Javnog poziva za JLS na kojem je problem slabe opremljenosti Službe Hitne medicinske pomoći identifikovan na forumu kandidovan kao projekat i odobren za realizaciju.

AD 4. Prisutni učesnici foruma upoznati su sa zadatkom foruma - utvrđivanje prioriteta u zajednici, o inicijativama koje se mogu finansirati u okviru Javnog poziva (mladi, sport i rekreacija; rehabilitacija i opremanje domova kulture; putevi; javna rasvjeta; renoviranje obrazovnih ustanova; zdravlje; upravljanje rizicima od prirodnih nepogoda i katastrofa) i raspisanim Javnim pozivom kojim bi se jedan od prioriteta u zajednici mogao riješiti.

AD 5. Diskusija prisutnih odnosila se na zajedničke potrebe svih građana i evidentne probleme u nepostojanju adekvatnog prostora za veća okupljanja i sadržaje, predstave, projekcije jer su u Gradskom kinu pod i stolice u dotrajalom stanju, a ne postoje uslovi ni za pristup osobama sa invaliditetom sali niti bini (visina, stepenice, nema rukohvata).

Dževad Selimović, član udruženja "Koraci nade" istakao je problem osoba sa invaliditetom pri korištenju javnih objekata u gradu, i da bi bilo puno više prilika za njihove aktivnost i kvalitetno slobodno vrijeme da su objekti prilagođeni za njihovo kretanje i rad.

Amra Deliomerović iznijela je aktivnosti koje njeno udruženje mladih ppčinje da radi - poduzetničke projekte mladih, inovativne aktivnosti upotrebom IKT, održavanje hakatona i sl. koje bi se mogle održavati u pratećoj prostoriji do kina, a za javno prezentovanje koristiti Gradsko kino.

Većina prisutnih uključila se u diskusiju o problemima nedostatka adekvatnog prostora, tj. postojanja prostora ali njegovog lošeg stanja usljed oštećenja i dotrajalosti poda. Postoji mnogo inicijativa mladih, škola, udruženja koja bi se mogla realizovati da su uslovi za rad bolji.

Ramiza Muftić, polazeći od svojih iskustava u radu u osnovnoj školi i organizovanju školskih manifestacija je istakla potrebu postojanja još jedne prostorije koja treba služiti za pripreme učenika (ali i glumaca, drugih izvođača programa) pred izlazak na scenu i obaveznog obezbjeđenja požarnog izlaza, koji postoji, ali nije prilagođen svima za korištenje.

AD 6. Učesnici foruma su diskutovali o svim iznešenim prijedlozima i po uputama facilitatora izvršili su ocjenjivanje projekata sa raspoloživih 5 naljepnica.

A7. Učesnici su sve prijedloge koji su se odnosili na oblast Rehabilitacija i opremanje domova kulture i rekonstrukcija kinodvorane grupisali u prioritet Rehabilitacija kino dvorane za potrebe svih kategorija korisnika (predškolska djeca, osobe sa invaliditetom, stari,).

Zaključak foruma je da su učesnici zadovoljni ovakvim pristupom problemima u zajednici i da su kroz diskusiju u forumu definisali prioritete čije bi rješavanje doprinijelo boljem kvalitetu života svih građana.

Utvrđeni prioriteti:

1.	Rehabilitacija i opremanje domova kulture, rekonstrukcija kinodvorane	Rehabilitacija kinodvorane za potrebe svih kategorija korisnika (predškolska djeca, osobe sa invaliditetom, stari,)	29
		Sanacija objekta kiona za više namjena	13
		Uraditi pristupne rampe i adaptaciju prostora prema potrebama osoba sa problemima kretanja	12
	Ukupno:		54

A 8. Nakon održanih foruma u mjesnim zajednicama i foruma u JLS konstatovano je da je ovakav način komuniciranja i dolaženja do prijedloga i prioriteta građana efikasan i transparentan i ostavlja dovoljno mogućnosti da svaki učesnik foruma iznese svoje mišljenje, ali i da bude upoznat sa potrebama drugih pojedinaca za koje možda nije pretpostavljao da postoje.

Ovaj forum je naročito istakao probleme osoba sa invaliditetom i problemima kretanja i njihovog pristupa javnim objektima, obavljanja svakodnevnih potreba u gradu, aktivnog provođenja slobodnog vremena, i dr.

Zapisnik pripremila:

Fadila Halilkanović

Zapisnik ovjerio:

Nermina Hadžimuhamedović

